



辛崖先生文集卷第九

表

通判相州求養親表

臣某言臣聞以祿奉親孝子之常道也從人之欲聖主之廣愛也臣中謝竊念生居仄陋長值太平遇陛下好文故臣一上取進士之第遇陛下求治故臣再任為登朝之官揣分撫窮磨頑礪朽使臣冒白刃履重艱不足以謝陛下待臣之賜也况河相大鎮王連疆委重者親民望美者猶復拳拳誓志欲

求改官者蓋遇 陛下孝治之時臣有遺親之咎也重念臣十年聚學悉是離鄉兩任遠官皆非迎養近因受命曾到舊廬隻親扶羸頌臣以泣臣非死木得不傷心臣亦引諭國恩用相慰勉終且恋其本土不肯隨臣之官朝夕系思方寸已亂臣又聞不可再得者父母幸而獲遇者聖君若不剖心見辭違制以請則上辜 陛下廣均物之恩下使微臣負終身之戚臣之家屬近隸濮州竊聞州城例有酒稅望迴天眷察臣愚衷則臣乞納升朝兩官授監濮州一務臣非矯激蓋欲明危迫之志也若此

則內有承顏之美外諧陳力之力匪惟臣身獨荷榮遇亦使四海之內百世之間孝子良臣聞風增慶其如畢身命報鴻私生民常心豈合陳露干犯 天慈臣無任戰汗激切望恩之至奉表陳乞以聞

荆湖轉運蒙 恩獎諭謝表

臣其言今月二十七日密院遞到勅書一道蒙恩特賜獎諭者皇文昭爛睿眷重深拜恩而力若不勝揣分而心無所措中謝臣聞量材受官明君之善教盡力事主臣下之常心苟規矩之

不踰則上下之交慶臣之所佩謂之至言恭惟徽號皇帝陛下
應運承乾體行道謂文為理時之本故親策賢良謂公為御下
之規故明懸教令信無幽而不燭在有物以成蘇昭然穆然
然誠千載之一會也竊念臣賤同草芥器甚丰筭徒目總髮之
年便學為臣之業以至出隨鄉薦恭逢聖時當台試金階賜科
名於異等洎掄官天府委遭運之要司恩遇有加驚愧無盡是
以身為外事公作中謀既不敢曠職徇情惟求自適亦不使容
奸黨惡以博虛名方虞積毀以銷金豈意飛聲而悟主爰迴聖

獎俯降天書匪徒一介之臣傳榮不朽用使九流之士礪志無
窮此蓋 皇帝陛下鑒洞古今義形普率欲貪邪之易慮故策
慎以為文臣復何功可以當此惶駭之至莫知得所裁得不益
勵至誠恭遵大教雖削繁理劇未通使物之至而竭節盡忠更
切報君之願云云

奏鄭元祐事蒙 恩獎諭謝表

臣某言今月十七日密院進到勅書一道蒙 恩特賜獎諭者
恩自天來榮加望外拜伏之次惶駭失圖中謝 臣聞君道明則

臣誠著上好禮則下興讓此有國之大章治朝之餘裕也如臣
操植無一可堪徒自出身遭逢聖主適有未聽擢充轉輸臣雖
愚蒙亮切感情是以不捨晝夜惟思公忠以便民尊主為常規
以除邪剪弊為己任遂致貪官詬怒豪吏震恐謗聲塞於道路
毀狀聞於旒冕恭惟神斷處在不疑使臣勤劬得盡任委此所
謂陛下至明而臣誠稍著也近者制置使紀臣戰事上達宸聰
感天眷以軫憐加璽書之慰勞臣雖不稱伏用增慙且制置使
與臣生平未嘗識面略聞履莅便與為論絕古人忌黨之私見

義士狗公之節此所謂陛下好禮臣庶興讓也明矣大恩莫
至聖難名但切戰兢以下終始云云

讓起復表

臣某言今日三日閣門勾喚蒙恩特授臣起復依前守尚書虜
部郎中充樞密院直學士散官勳賜如故者臣聞父子之情其
喪也有終身之戚君臣之義其深也有起復之聞如臣顛蒙方
負罪釁忽被殊寵實難為心臣誠感誠咽頓首、竊念臣河
朔門天下孤跡值文皇之肇運偶儒學以謀身始中懸科既不

由於勢援洎充近侍皆出自於天恩未能公道以誓誠豈意私
門之降禍故當屏絕以履哀摧伏蒙 皇帝陛下過聽微臣稍
於勤盡起復苦次令就朝行雖出紵是榮頗耀士人之目而舊
巢興感若為禽鳥之情欲望持報明恩許全私禮服麻期少
報於劬勞移孝資忠庶無違於風教干冒 天慈臣無任祈天
瀝懇哀摧哽咽之至謹奉表陳讓以聞臣誠哀誠切頓首
謹言

謝起復表

臣其言今月五日准中書劄子伏蒙 聖慈以臣所讓恩令不
行一依指揮給假候回日朝謝者皇私日麗睿渥春迴退惟賤
微再切驚懼臣誠虔誠幸頓首頓首竊念臣處世無才逢時有
幸既將身以許國兼得祿以榮親所恨者先臣卧疾之初關於
嘗藥所苦者丹旒出門之日不得攀棺遂瀝懇以祈天冀投誠
於終喪伏蒙 法天崇道皇帝陛下憐其近性示以奪情殊常
曲降於恩輝自遠許從於假告靈苒一慟庸知有後之人此外
何求但覓報君之路無任感天荷聖激切屏營之至謹奉表稱

謝以聞臣某誠榮誠感頓首

賀西川賊平表

臣某言今得鈐轄進奏院告報寄班供奉官安守忠到闕奏十月三日富順監與賊相見一合殺下軍賊斫到王均首級掩殺招降到賊人草補人負共六千餘人其賊並以剪除靜盡者臣當時集軍州官吏僧道百姓曉諭訖小醜亂常偏師致討尋聞就戮大快群情中謝竊以太祖開基廣之以教導太宗臨極益之以慈仁萬方決洽於皇恩百姓不知於日用恭以皇帝

陛下道光先志化被無垠含氣遂生如逢於叟日行歌載路共贊於昌時而獨王均愚不畏天飽思吠主扇搖克黨搔動邊城皇帝陛下猶示招綏冀其悔悟迷而不復有煩問罪之師困極斯逃方信滅身之禍雖將臣宣力由英之授謀四海一心同慶於此臣叨塵班苑獲守藩方誠無執銳之勤實懼除奸之願云云

杭州蒙 恩獎諭謝表

臣某言今月十五日進奏院遙到詔書一道為本州百姓騰超

等舉留臣蒙恩特賜獎諭者臣叨任藩宣曾無政績忽因民欲
俯降天書究寵異常惶駭失據中謝臣聞舜稱善人即不仁者
遠漢求良吏即守道者前所以極理體之大中致生民於康樂
也恭惟 徽號皇帝陛下遵漢之道行舜之心興一事未嘗不
恭儉為先命一官未嘗不惠愛為寄故得朝風寬簡世態淳和
史官但記其時雍野老不知於帝力臣叨塵有位獲預頒條雖
志在推忠莫著分憂之効而心期濟眾未知為治之方徒以浙
右近年民間小歉既蒙明勅與蠲之賦租復降異恩又賑之以

口粟此皆皇猷所被民事重蘇靜言所於臣何有頌惟下俚不
識大端譽臣之長掩君之惠敢干雙闕留舉微臣蓋遇 皇帝
陛下道在包荒恩從獎善既不民之僭冒亦不究臣之曠遺便
枉重書曲形慰勞人百皆喜臣獨未遑且以江外諸州杭為巨
鎮臣之到任以踰二年未能使民絕忿爭未能使吏知廉耻蒿
萊之有所不盡闕獄訟之有所未盡空自謂孤奉舜稱畧無善
行謬榮漢選不見良能是以臣受寵載驚醜顏增愧也得不更
思體國益用竭誠求古人化俗之方副明主愛民之旨望禪萬

一少報生成

謝恤刑表

臣其言伏蒙聖慈賜臣恤刑詔書一道臣已當時行下訖時屬長羸恩惟欽恤渙若好生之德彰乎慎罰之文遠近之心歡忭失次中謝昔者明王之治天下也作是五刑明茲三訊所以重生民之命而為大化之防恭惟徽號皇帝陛下儉以率衆仁以愛人治定功成刑清事簡猶慮煩陽之候不無輕繫之人首發德音俾觸網者有自新之路復頒明詔欲分條者絕舞法之

心式是大和同登於道至若有虞之畫象大禹之泣辜用此憂勤未曾差忒臣本疎材術謬掌郡符不能宣導於化風未得空虛於囹圄備懷恩顧伏用兢慙是以益勵至誠恭遵大訓雖知聽審難臻明恕之方一覲寬平少副哀矜之旨云云

賀聖駕幸澶州還京表

臣其言今日七日入內高班王某至伏審鑿輅已於十九日却還京闕者中外士人朝昏系望統聞返駕共慶丹誠中謝竊以四海乂安三農始隙忽意北夷之倍輒萌犯順之機恭惟

皇帝陛下忘黃屋之尊務息民之道聊舉省方之典曰陳問罪
之師果致雜虜革心使人請命屬大道含容之德不責小瑕而
著明臨照之恩許其通好允得弭兵之略兼允柔遠之風華夏
之情懽忭之至云云

誅除吏部侍郎表

臣其言今月日密院通到官誥一通勅牒一道蒙恩特授臣
中大夫吏部侍郎加食邑五百戶食實封二百戶上柱國仍放
朝謝者臣聞周寵名侯始行加地之賞漢崇良吏方推增秩之

恩不嘗妄及於匪人有以騰輝於當世豈以天官少宰上柱殊
勳中大夫漢之清姿食實封唐之極賞一日併授在臣何堪儻
稽責實之文深黷陟明之典榮多益懼處不知寧中讎竊以臣
不魚人愚惟守己每念流年易失好事難成故急急以行心亦
拳於勵節爰自出專外計入直中樞歷司臺省之權兼攝諸
侯之政謂奸回不叱無以增聖主之明謂克惡不除無以解黎
元之患臣行此志殆十五年豈不有惡上之民曲飛謗議豈不
有怙權之黨妄指瑕玼絕無一日之尤以汙三章之法者蓋由

先皇帝知臣於疇昔 陛下明臣於當今獨慶逢時適於往哲
臣之感情豈易為言一昨移自雍郊委臨蜀土單騎徑發冒暑
而來冀伸馭遠之勞少達報君之志是以宣揚聖化下慰疲羸
啟導皇威傍加允醜人以知勸歲仍小康惟將不辱命為榮六
以免厚譴為幸豈期睿睠超與臣官渙汗已行辭拒無所伏遇
徽皇帝陛下明同皦日愛若陽春行周文之小心惟公之恤有
漢高之大度衆善皆臻歲久而天地同和道在而人神交感然
後九儀述職五輅鳴鑾謁清廟以祀親登泰壇而高帝大賚之

慶已洽萬方議者謂 陛下展禮上玄讓功也推恩百辟勸善
也廣金帛之賜成卒忘勞加封贈之官人子盡孝寬有罪叙有
適蠲逋租名亡命仁之至也舉賢才廣諫諍旌貞退惠力田義
之和也浩乎真風邈不可紀臣愚望 陛下日慎一日維休勿
休况揚二聖之風越在三王之上含生之衆百世同歡重念臣
無昔賢良吏之稱獲當代出倫之寵草芥自比雨露所滋益堅
犬馬之誠望蒼生成之賜云云

益州謝降 詔書獎諭表

臣某言今得進奏院遞到詔書一道轉運使黃觀奏據本州將吏僧道百姓等舉留臣事蒙恩特賜獎諭者民情上達天澤下臨責實狗名未著分憂之効僥榮冒寵難逃飭詐之說循省所因喜愧交至中謝伏以蜀土奧區素稱重地國家慎委本為難材况列卿帶職之貲屬為郡總戎之美衆臣之內少此兼榮竊念臣河曲微生僞門末造憑詩書為捷徑取忠義為先聲果逢求治之朝驟有絕倫之遇入登臺省幸聯心膂之臣出守山河全控咽喉之地故合竭誠報國百計安民遠伏皇威奸惡少聞

於屏息傍宣聖化疲羸近似於昭蘇此蓋徽號皇帝陛下知臣向公任臣不貳縱有關政不能移天覆之私縱有謗書不能惑聖明之慮是致孤臣有賴遠倍無虞竊惟經亂之人易得在心之感謂臣滿歲必差替官輒萌犯上之撓曰用留臣之奏曲蒙慈育不責狂言降天上之徽音作劔南之佳氣庸知異獎推為勸善之恩却揣無功積有臨深之懼得不再思盡瘁恭守成規庶求鎮靜之方少輔龐鴻之德云云

臣某言六月二十五日巡撫屯田員外郎譙濤等奉傳聖旨獎諭臣知卿為治極好得卿在彼朕無西顧之憂庶事更切用心者邊臣之職正恐未周金口所稱已傳不朽何此中才之質得勝絕世之榮直恐捐軀無以報德中譙竊念臣出身至賤遇主非常強仕將期方離巖谷兩髦始白方作丞郎况兼直密之資允在得言之地恨不能長纓請試北係單于雙闕頌功東封岱嶽此國家之所不欲而卿大夫之所未裕也一昨西蜀居人頻經擾攘九重選吏頗屬精勤臣當奉命之初寔懼寸心之願所

喜者勝殘馭遠得施報國之勞所幸者去易就難少運偷安之謗臣是以推誠官列示信戎行布均一於吏民亦誠勵於克惡併逢稔歲偶免敗官此蓋 皇帝陛下德澤四充聲明允塞蠻夷向化邊方無警拆之虞士庶歡心守土慶下帷之治猶復居安興念用照而明傍遣使車撫安遠倍特傳天語下慰孤臣分西顧之憂深知不稱使臣有過身之吝以至無言但銘勸善人恩庶保有終之節 云云

昇州到任謝表

臣某言伏奉六月二十七日勅差臣知昇州軍州兼提舉江南
東路兵馬巡檢捉賊公事已於八月二十二日到州署事訖恭
以道有所存物無不遂臣縈宿瘼分合退身皇情重惜其辭榮
大鎮許從於卧理感深出涕恩極難言中謝臣聞昔者聖君之
御人也博愛溥施包荒濟濟美九有仰大中之化羣倫無不達
之情伏惟皇帝陛下恭己臨朝推誠接下英斷比於太祖寬
仁類於太宗謂遠能為共治之賞則躬行採錄謂節用為恤
民之本則慎乃盤遊加不忘功兼之念舊有若陳緯苦戰田錫

直言越次褒延驚該視聽梁周翰前朝名輩邢昺望苑元勳俱
及髦年不許去位非常禮遇優與俸錢四海之人聚首而議以
為陛下之得德有以繼舜齊堯輝宗映祖若周文之競持未
足多也書美昌言禮貴養老未為奇也雖聖政無涯不可妄紀
而生民受賜抑又何名竊念臣本族無稱學文自任爰從中弟
洎至登朝徒功勵精少防於責實絕無用此曲借餘允凡四轉
官便參樞要復三數歲已忝丞郎信明時驟進之身過往哲九
遷之遇退量淺劣不稱明揚止在指軀聊以報國重念臣少因

酒過晚覺病多仰天眷以撫安頌國醫之診護其如氣促漸劣
根本難瘳既幸侍從之儀定玷衣冠之列豈敢便謀致政堅請
分司重閣輒拜於封章小郡覬全於頤養不謂睿慈惻愍允澤
霑濡作藩更委於兵權赴任仍兼於水路而復中官賜藥內府
支金謂九轉之靈丹可延性命謂三錢之秘寶足了生涯天意
所鍾愚臣備識必將垂世流為美談知微臣遇主之榮比肩舊
老廣 陛下愛人之旨接武前王臣雖侍上之少勞 陛下待
臣之已甚而况江山秀絕民物駢繁獄訟簡清事務整集止伏

神砂之力下因窳吏之勤望保殘年再覩雙闕此愚臣之願
陛下之恩也既感 陛下憂臣之身臣敢不憂 陛下之事一
欲宣導風化惠綏黎元兼令克忭之人漸識淳和之理憑茲懇
疑上答恩休 云云

年崖先生文集卷第十

表

賀東封禮畢表

臣其言今月六日密院遞到敕書一道十月二十六日皇帝封禪禮畢大赦天下者臣當時集軍州官吏僧道百姓曉諭訖伏以真聖有作萬方樂推非升中無以告不世之功非太平無以行希代之事盛禮云畢鴻休允敷極於無垠不任大慶中謝臣聞安大衆定大業者至德動天地感鬼神者至誠至誠昭晰

以發中玄化浸淫而應外然後五兵消偃九有澄清迨於升聞
克洽穹昊若夫守治定之理修報本之儀常祀之餘盛典多默
自前世稱頌者七十二君漢統依侖唐志梗槩以至躋生民於
壽域納仁義於中途踵無懷因巖之風述虞舜東巡之美系我
聖宋成乎嗣君恭惟 皇帝陛下大道之尊中天而立咨唐堯
之字覆法姬周之砥平密勿萬機臣度 遵於繩準精明一德
黎元但覺其昭蘇加以天資孝慈則人歸恭頌力行節儉則物
有羨饒和氣四克百穀屢稔戎狄不台而自至禎祥迥抑而益

彰有以充揚祖宗輝映今古善頌之口何得而名於是遐方觀
國之賓奔馳道路東魯系耒之老萃集闕庭洎于黔首緇黃三
事庶尹累陳昌平之績請行封禪之禮皆曰 陛下德至於天
故有祥符降空群鶴引駕德至於地故有嘉木連理芝草分莖
昭示衆靈無以殫記 陛下果不可固謙人情果不可固違者
上答神休下祈民福也是用降時巡之詔著崇望之儀馳道不
除帷宮不飾菲薄之至也無勞民無天生物仁愛之深也皇
翠華駉、羽衛方冬之麗日增燠千里之織埃不飛旣然肅以

登封復懇惻以降禪莫茅成禮雖資北里之禾檢玉報功寔有
上玄之命是謂禱祈之善恭讓於天曠蕩之恩宏被於下無一
事不更於昭臨無一物不遂於霑濡熙穆淳風輝煥清世追縱
五后式觀紀號之文邁德宗周更遠卜年之數臣職叨近列任
忝名藩逢大中開泰之期見往代未行之事病知分薄難伸扈
蹕之心老覺才微莫逮歌虞之意云云

謝賜

御製御書封禪銘贊記副本表

臣其言進奏院遞到編錄封禪記丁謂等起請御製御書泰山

銘贊記抄錄副本一卷賜臣者聖作深玄人所難覩外臣有賜
恩出非常中謝臣聞渡汾流誅止歎於周年遇沛興歌庸思於
共守豈若天祚明德功格上玄旣東巡以告成復勒銘以見意
煥乎盛業垂彼無窮誠明代之嘉猷而真聖之能事也恭以
皇帝陛下生知要道天縱多能體二聖之仁明鑑百王之得失
側躬致治元化大同以至和氣四克祥符下集覽闕下諸生之
議感泗上父老之言遂事升中以展太禮皆謂太平者前王難
及之事陛下致之泥金者曠代不修之典陛下行之嚴父

配天孝之至也為民祈福仁何遠哉事感宸衷言成國典眷茲
近列許遂榮觀寔類膏窺莫從天際有若歸功天地推德祖宗
謙讓在思惕厲為誠此人世不名之福乃社稷無疆之休也臣
叨塵要職獲守維藩拜賜已來歡心莫極雖收藏有耀永為傳
世之珍而衰劣無能但見感恩之淚云云

甘露賀表

臣其言當州自十一月八日甘露降太平興國寺松樹大小約
千株經月尚在者竊以神物斯未太平之驗耳目相接遠近同

歡中德成臣聞政猶物以類應雖天地之博大而草木之纖微有
感必通無遠不至恭惟 皇帝陛下真誠御世廣愛臨人、心

平知天意響答始東封之行慶忽甘露以儲休此實 陛下勞
神在中而致美於外也德之所感昭然不誣觀其凝若霜雪甘
同飴密千株偏結足名希代之珍再月未融是表無疆之福臣
器能淺薄踪跡遭逢任守連城目覩嘉瑞稽人物感通之理抑
有前聞紀 皇王遐邇之風曾無異見 云云

謝加階封表

臣其言今日日進奏院遞到官告一通勅牒一道蒙恩特賜臣
大中大夫進封開國公加食邑五百戶勳寔封賜如故者祥符
遠燭允澤旁流方忻樂聖之心又荷惟新之命退量不稱徒切
增慙中謝臣聞廣大者天博通為聖天德茂而物遂生聖道行
而人受賜既云不宰何以識其裁成寔曰無名何以盡其言喻
亦猶惟克與舜法地象天致魏蕩以無稱類生成於不報也恭
惟 皇帝陛下千年應運一德承乾念創業之克艱未嘗逸豫
慮一物之失所每切憂勤明誠既感於人心聖化遂通於天意

故得真仙降祉瑞謀呈文適彰卜世之期允協大中之道載惟
靈契事適於龜龍方表玄功理同於三五而復順陽春而在宥
舉賞典以加恩善讓不居莫見裁成之朴天下蒙福但歌仁壽
之風臣位亞天官職參樞要叨預分符之寄仍司禁暴之權江
外素清經歲但窺於兵籍郡中無事下幃徒守於詔條常慮敗
官復榮寵數階封益峻名跡增華較其冒賞之由實屬逢時之
幸得不飲永勵節體為心庶求靜求之方少助無為之化 云云

昇州謝傳

宣撫問表

臣其言今日三日入內侍高班陳文懿到州傳宣賜臣御
札劄子撫問臣疾患者悽蟻微軀雲雷重施頓斃已蘇之命如
登萬舞之庭寵勵迥常感愧何盡中謝竊念臣河壩賤類朝右
孤根徒將孝古之心以勛事君之節先皇知臣守道擢在清
流陛下祭臣好公委之臣鎮常謂官高効淺任重才微履薄
臨深一欲少逃於官謗安民被物尤慚無於皇風一昨蒲柳向
衰犬馬生疾據鑿工功脉本自中傷用灸以然膚即時氣正
既緣在假合具奏聞伏蒙皇帝陛下專命使人特頒宸翰何

郡官之眇末勞天眷以安存同暗室之睹朝陽類寒暑之遇春
煦篤君臣之分遠不能名傳家世之榮久將益茂恭期畏慎以
報生成云

謝加工部尚書再任表

臣其言今日三日入內侍高班揚保政齎到官告一通勅牒
一道蒙恩特授臣工部尚書散官勲對食實封賜如故仍放朝
謝兼奉勅量留一任者非常之寵出自天心三品之資實踰愚
望再省以榮以驚中謝臣聞漢命二千石非政績昭彰者未嘗

增秩唐歷三百年非功行超絕者不得尚書流為美談成為故事如臣虛謬適有遭逢處近侍之班無一言報國守諸侯之郡無一善及人縱加勵朽之勤唯贖冒榮之責而况年容向暮疾疹相仍中間伏閤拜章壘求外任近者因心戀闕欲望替歸遂寫情誠遠塵旒冕豈期睿眷曲示憂憐命星使於層霄宣王言於南服增正卿之秩允謂異恩許再任之官足明重寄匪惟臣愧亦駭衆情蓋以唐賞能臣漢旌良吏前載希有近代罕行一朝併賜於褒崇何路重酬於名器所以臣愧不稱而衆駭異常

也臣得不上体虛懷俯安遠俗使無違誤少副倚毗云云

昇州又謝傳 宣撫問表

臣其言三月日入內侍高品趙履信到傳宣伏蒙聖慈重疊撫問臣者國有常典郡實分符何守吏之瑣材勞聖君之重顧遠傳中旨下慰殘軀恩既有加喜亦難盡中謝竊念臣幼而嗜學家本無書閱市尋師又常涉歷策名委質始預遭逢自謂不耕而食徒憑官勢坐庇宗親故檢身每切於勵精承命不辭於艱險以至懲奸析滯廢寢忘食靜辦公家一欲酬君之寵祿緝

綏黎庶一欲答民之供承是致適冒寒溫有年調護盛年抱疾
向老便衰一昨西蜀替歸中樞隸職信班行之絕跡覺聖騰之
異倫其如癖氣傍攻少納大官之膳頰瘡下瀝有漸清蹕之塵
所以臣喜偶昌期而悲逢薄祐也遂陳丹悃求莅偏州感動皇
情俯從臣願付金陵之重地委江介之諸軍無廢攝生僅同臥
治未期報政忽復遷官信使終迴中貴又至瘡痍之末旣沐軫
憂飲食之間亦令順適下安孤跡傍駭群情臣竊覽遺編遐觀
往哲有才大而君不用忠盡而君不知多矣若臣寒素起家清

朝見任功未著而賞厚誠未立而信深者幸也蓋遇 皇帝陛
下以至聖之能守可大之業明以御下則邪正畢見其心仁以
安人則高卑各遂其性是以臣粗推愚欵盛荷殊知豈不使四
海之中九流之內壯夫激節位快心有以頌 陛下禮士之風
遠逾列聖賞微臣飾身之末無愧前賢臣之叨塵自難言喻但
期強飯一冀分憂庶敦有卒之誠少報不名之德 云云

進文字表

臣其言因接內侍高品趙履信言話履信謂臣曰多見朝臣言

尚書文章高古理道深遠聖君好文何不寫錄一本進呈者始
聞此說不覺驚心又緣臣詞學登科聖君獎遇若無所獻何謂
盡誠繕寫之時戰汗交至中謝臣聞於師曰文章興於邃古文
物備於三代前聖有作後聖所因著之簡編流為國典誠萬代
不易之道也率由齊上下之儀定人倫之序正教所設作生民
之坦途五常所施為濟用之樞紐是故聖君願指於上賢彥馳
騫於下文士之筆斟酌於中陳布道德施張化風有以懲有以
勸有以規有以諷正議不回則呈猷允若書法不隱則奸邪洗

心行以踐言文以見志十狀萬態不失乎忠信助治之大端豈
止垂諸空言而已與夫多覽廣記稱博士之流走翰飛文擅應
用之最者異日論也此乃聖賢事業豈愚淺能臻乎以至臣三
年不敢構思五年不得措詞竊擬遺餘粗陳梗槩故於著撰不
能編綴自謂上不至瀆文下不迫應用已甘守拙期於畢一
遇太祖開基太宗臨極平蜀未越降吳下并復炎漢之土疆
廣有唐之郡縣列官既衆取士益繁故夫俊造之科始有殿廷
之試臣幸一上中選再命登朝勵好古之心為事君之節飭學

文之志為臨下之賞功未昭著官已崇顯此蓋先帝喜於獎善陛下急於勸能致臣叨塵特邁流輩諒無異略以報厚恩惟切履冰少塞非據豈期朝列曲諭臣文愧研究之本疎何傳說之適實臣又聞遇文明之治不以文為不類也逢知己之主尚或形跡不忠也希顏雖勞面墻無取敢持爝火輕冒曠日允謂不知量也甚矣臣曾著聲賦一篇妄紀皇王治亂之本擬富民侯傳贊一篇譏漢武不盡富民之術唐何對楚王疏一篇似近治身之要適此片善偶得一鱗歌詩短章稍免塵雜共寫錄

成百篇昧死附進

云云

謝除禮部尚書表

東封息

臣其言

云云

蒙恩特授臣禮部尚書加食邑三百戶

云云

國有

大賚臣叨峻遷俯僂拜恩惶駭失據中謝臣聞今之尚書乃周之六卿也位次上公職當獻可若非道堪尊主智足利人處其易循、得善事之稱履其險侃、有不奪之節者苟踐斯任謂之匪人如臣操修素甚鄙薄加之識昧而復才卑有若居安思危慎名與器聖慮精到臣豈敢云至于屢奉詔條詢採民瘼臣

未嘗陳一便人之策未嘗奉一有道之官未嘗議聚歛之臣侵
下僥寵未嘗糾欺違之吏黨惡自私實辜旰食之求頌玷上卿
之秩謂之識昧不其驗歟恭惟 皇帝陛下道大無名量深無
際示不矜之善則臣庶洗心隆克儉之風則黔首滋富遂使西
戎即叙北虜請和耕耨極於邊方武具陳於內府此 陛下柔
遠之畧與周比崇越前年東幸泰山肆覲群后封天禪地檢玉
泥金此 陛下報本之功與舜同道歲二月西巡狩至於汾陰
畫禮於誠惟德是富此 陛下修墜典主百神眇漢唐曾不

足擬臣幸被太平之休烈遐觀盛德之形容慕臯陶愛君之心
無臯陶頌君之業坐致三品能無愧乎所謂才卑不敢逃責臣
謹當守 陛下之疆土宣 陛下之化風俾頑者嚮方饑者得
食兼撫屬城之衆少寬南顧之憂伏此勤劬期報萬一云云
賀祀后土禮畢大赦表

臣某言今日日密院遞到祀后土禮畢赦書一道臣當時集軍
州官吏僧道百姓宣諭訖希世盛事作解鴻恩歡洽之聲隱然
雷動均和之氣邈與春迴中謝臣聞汾睢上臯坤儀中宅自漢

王之覩興復唐后以致誠年祀寢遙聲響都絕蓋戈旄之未偃而黎獻之未康雖欲在思實則罔暇恭以太祖皇帝沉謀英斷應天順人西取三川南定百越荆蠻既入江吳以朝太宗皇帝天資聖文神贊明德挫并州之逆節旌浙右之忠瀆於以躬選惟良坐理中道可久之業無得而名伏惟皇帝陛下繼體承乾祖仁昭義好聞正直樂事謙和以唐虞濟物之心下安率土以周孔治時之法上守慶基遂致風教大和天人合慶沙漠難羈之虜不召而來天書莫測之祥應期而出躋生民於富

壽見昌世之形容一之日封泰山禪社首功之至也二之日幸汾陰祀后土禮之得也大恩四出覺萬有以重熙溢美無窮真聖人之能事臣久塵要職獲守維藩前導後從既無階於皂隸式歌且舞徒有幸於逢時云云

謝加階食邑表

臣某言云云蒙恩授通奉大夫加食邑五百戶者皇猷致美臣下沾榮捧授之間驚惶失次中謝竊念臣素無勲績叨預官常江介剖符偶免敗官之責帝鄉卧疾未知就列之期伏遇皇

帝陛下法道為宗與聖作則萬善中蘊大明外敷故夫濟世之
恩鎮作無名之朴是致春融萬國影附四夷至德升聞仙祖未
格示延長之年曆諭清淨之化源煌々然業々然有以見天人
合慶社稷永貞亦謂越千古以未聞垂萬嗣而獨出能稱頌者
恐難為詞豈比夫周穆瑤池空贊白雲之曲漢皇蘭殿惟留非
聖之言予以覃沛恩答嘉貺九諸有位盡被殊遷臣官忝上卿
名已適實復增階級更益封戶惟虞漸老之身難答自天之寵

謝封贈表

臣某言進奏院通到官告三通臣亡父其蒙 恩贈太常卿亡
母謝氏追封新昌郡太夫人妻王氏進封太原郡夫人者雲雷
重施存沒沾恩榮忝適常喜愧交集中 謝臣聞綏和人紀允屬
於君臨振舉家聲用光於子道非偶昌平之運克隆敦勸之風
則何由變單門為華宗登朽骨於名路恭惟 皇帝陛下仁明
濟代孝愛動天四氣均和萬方熙穆然後修隆典禮百神議法
泛寬惟民之恤衝々列辟仰慶賜以榮家眇々舊官咸賞延於
繼絕昭然大賚邈矣難名竊念臣識昧知微學慚博古遇八表

來主之日用人處多當九重選吏之時出身特異致便於官
秩實暉映於鄉閭所幸者厚入俸金嘗豐饒於甘脆所喜者重
加贈典復允揚於令名既彰為孝之心未有資忠之數要臣不
得不強扶衰病益勵廉勤宣聖化於平民俾其遂性示皇威於
醜類望至悛心少寬南顧之憂以達事君之節云云

辭赴陳州表

臣某言三月十六日中使傳宣安慰臣及賜臣勅牒一道差知
陳州仍放朝辭者天寵異常人情皆喜於臣之分其榮可知中

謝臣聞以義激志者志極於義以仁感心者心極於仁寔國家
統御之大章嘉臣庶遵向之常理臣學不知道心豈辨仁幸
逢明聖之朝驟踐樞衡之職東吳西蜀忝預控臨計省憲臺粗
曾揚歷分憂察俗既無利物之勤均物繩違又乏當公之譽徒
以位叨三品祿厚十鍾適臨蒲柳之秋忽生犬馬之疾深莫能
療頭瘡起自於膏肓命或可延陰氣非干於臟腑伏遇皇帝
陛下仁以濟代聖無不通未明求末慮一物之失所虛懷待物
無一善以見遺溢美具彰稱頌難際是以臣未伸臣節過荷聖

知江介告勞特恩與替帝鄉縈疾傳臣宣免朝若較之於身則
縈由寵及若議之於國則禮自臣違此寔関心惕然如疚不仕
則弔古人無忘於尊君以食計功庶士猶嫌於竊祿臣久妨就
列坐請俸錢顯成慢上之尤兼負素餐之責是以臣量其筋力
尚可驅馳遂貢赤誠乞從外任將勤補拙修誠望附於闕官捨
逸從勞本願覲當於臨遠豈謂 皇帝陛下軫其久病念及衰
年俾近王畿處之善地長河路便一行穩汎於清流古郡望雄
平昔皆稱於易治况臨公之不 復聚族以養如此謂仁以感

臣心義以激臣志期不惜死上報所因再念臣幸偶昌期何多
薄祐身世欲將於比喻神龜但覺於悲涼初疑泛海之槎暫未
天上翻類拖腸之鼠却到人間今則見促舟人已裝行具延時
滯日欲去還留指德澤以為言詞不盡意望皇居而積戀淚下
沾衣乍遠帝鄉 云云

陳州到任表

臣某言三月十六日中使至傳宣安慰臣并賜勅牒一道差臣
知陳州仍放朝辭者臣已於四月十六日到州署事訖臣身縈

惡疾志切辭榮忽被鴻私令鎮雅俗衆所皆喜臣獨何心中謝
臣聞君使臣以禮臣事君以忠禮無正名合宜乃得忠無定跡
盡悴者稱實人世之通方古今之常道也竊念臣識量褊促學
問荒淺爰從捨釣便遂登科不二十年致位通顯此誠先帝
憐臣執古陛下知臣愛公非次轉官越常賜與增官途之壯
觀發儻苑之允華較微臣報國之勞累二聖勸能之旨每一念
此重生慙顏以至直入樞衡踐歷臺省略無片善裨贊大猷出
鎮藩方兼掌兵柄全虧異政宣導淳風泊至垂年又苦腦病以

飲食為滋瘡之毋以鬲脇為舂痛之根久醫不痊者飲食豈可
全去弥年不死者臟腑未嘗有虧昨在昇州初覺增劇非時替
罷得遂生還久住帝鄉絕不入覲有司舉例合至免官 皇帝
陛下獨斷見矜寬給假日雖衆議無苦而於臣何寧臣又聞無
功苟祿者不仁以身違律者有罪既不忍乞歸田里亦不敢端
坐私家遂貢赤誠求展外郡 皇帝陛下選之近甸付以華封
兼放朝辭取便之任臣舉家順水信宿到官願其扉宇清虛民
倍渥厚過客甚少公事亦稀足以稱陛下憂軫之懷足以致

臣延永之望再造之賜何得而名臣之此來史氏必載云禮部尚書張某久病頭瘡難於巾裏到闕七月不赴朝叅憲司彈云臣寮在假百日不朝者准式罷免 皇帝寬給假告倍加安存不去官不停俸異恩也張某感情中發上疏自陳臣瘡腫雖深形氣尚健乞加蒲服少贖悔尤 皇帝親指於陳委之俾入俸外加給賓事官供安養之餘吾事亦集仍有疾疢與免朝辭新例也自今及古以臣事君未有未不朝叅去不辭謝者老臣之內寵遇莫儔臣不敢指今之士大夫助臣快愜却謂千百世後

覽宋史者須至掩卷酸鼻上以仰 陛下寬仁厚禮以待老臣下以慶微臣遇主遭時有象餘裕與夫沒黜稱病俾卧治一方何曾免朝許就家視事不同年而比也重念臣忠節甚薄 陛下禮教適當位已隆矣年已老矣幸已極矣名不朽矣犬馬殘軀死且無累更欲節滄護氣祛毒添年一望再入九重之城得覩 至尊之面是臣懇、餘生之幸願也 云云

辛崖先生文集卷第十



